



**NEZAVISNI STRUKOVNI SINDIKAT RADNIKA
ZAPOSLENIH U ZDRAVSTVU U FBiH**



Broj:341/20
Datum:02.12.2020.godine

URGENT!!!

-Vlada FBiH Urgent
n/r Premijera g-din Fadil Novalić
-Ministarstvo zdravstva FBiH Urgent
n/r Ministra Prof.dr.sc Vjekoslav Mandić
-Ministarstvo finansija FBiH Urgent
n/r Ministrice g-đa Jelka Miličević
-Ministarstvo za rad i socijalnu politiku FBiH Urgent
n/r Ministra g-din Vesko Drljača

Predmet: Urgent-Zahtjev za dodatno zapošljavanje u zdravstvenom sektoru, dostavlja se

Poštovani,

Zahtjevamo da u hitnom postupku iznadete način i donesete odluku na Vladi FBiH, o dodatnom zapošljavanju u zdravstvenom sektoru FBiH.

S obzirom da u ovom trenutku imamo više od 2.500 zaposlenika koji su pozitivni sa SARS CoV 2 virus, a u isto vrijeme imamo formirano više od 15 COVID bolnica, u kojem je angažovano iz postojećeg kadra, preko 3000 radnika, smatramo da bez dodatnog upošljavanja i sufinansiranja istog, zdravstveni radnici neće biti u stanju pružiti ni minimalne zdravstvene usluge građanima a pogotovo, s toga što je evidentan ogroman priliv oboljelih od COVID 19 i to sve više sa teškim kliničkim slikama.

Poređenja radi, Republika Srbija je dodatno uposlila 4500 zdravstvenih radnika u svoj sistem a Republika Hrvatska povlači sa biroa za zapošljavanje sve zdravstvene radnike. U Republici Srbiji od 116000 radnika u zdravstvu 2200 ih je oboljelo.

Mi u ovom trenutku imamo na raspolaganju dovoljan broj zdravstvenih radnika na Zavodu za zapošljavanje za razliku od većine evropskih zemalja ali to ne koristimo.

U prilogu Vam dostavljamo tabelu o prijavljenim zdravstvenim radnicima VSS i SSS na birou po kantonima i županijama.



NEZAVISNI STRUKOVNI SINDIKAT RADNIKA ZAPOSLENIH U ZDRAVSTVU U FBiH



Broj nezaposlenih zdravstvenih radnika u FBiH

Kanton	SSS	VSS
Unsko-sanski kanton	720	162
Srednjobosanski kanton	994	3
Hercegovačko-neretvanski kanton	900	15
Bosansko-podrinjski kanton	56	19
Posavski kanton	110	0
Kanton Sarajevo	1479	434
Hercegbosanska županija	62	20
Tuzlanski kanton	2400	275
Zapadnohercegovački kanton	168	43
Zeničko-dobojski kanton	1336	252
Ukupno:	8225	1223
Sve ukupno:		9448 nezaposlenih

Molimo Vas da ovo ne shvatite kao prijetnju, nego zadnji pokušaj da iz ove krize izađemo sa što manje nepotrebnih žrtava i da zajedničkim snagama učinimo sve što je u našoj moći u borbi sa ovom pošasti.

Napominjemo da u ovom trenutku radimo na ivici izdržljivosti i da ne tražimo nikakve nagrade za svoj rad ali nismo više u stanju održati sistem sa ovim brojem ljudi.

Zahtjevamo od Vas da na narednoj sjednici Vlade FBiH razmotrite ovaj naš zahtjev i ako je potrebno spremni smo prisustvovati sjednici, kako bi argumentovano obrazložili sve ovo o čemu smo pisali.

S poštovanjem,

Predsjednik:
Zijad Latifović

Dostavljeno:

-naslovu

-a/a



NEZAVISNI STRUKOVNI SINDIKAT RADNIKA
ZAPOSLENIH U ZDRAVSTVU U FBiH



Broj: 188/20

Datum: 15.06.2020.godine

II URGENT

Vlada FBiH
n/r Premijera g-din Fadil Novalić

Federalno ministarstvo zdravstva
n/r Ministar zdravstva FBiH

Ministarstvo za rad i socijalnu politiku FBiH
n/r Ministar za rad i soc politiku g-din Vesko Drljača

Predmet: Inicijativa za svrstavanja COVID 19 u Pravilnik o listi Profesionalnih bolesti i izmjene Pravilnika koji govori o refundiranju Pravilnika o isplati plaće, dostavlja se

Poštovani,

Nakon što smo zaprimili mišljene Ministarstava za rad i socijalnu politiku br 04-34/16-1025/20 S.B. od 04.05.2020 godine održali smo sjednicu Izvršnog odbora Nezavisnog sindikata zdravstva u FBiH (zbog okolnosti proglašenja epidemije SARS CoV 2 virusa u više kantona).

Nezavisni sindikat zdravstva u FBiH broji oko 18 500 zaposlenih u javnim zdravstvenim ustanovama, svih profila koje iznose i iznosiće, praktično, sav teret postojeće pandemije. U okviru svojih ovlasti a u cilju zaštite prava svih radnika u zdravstvu, zahtijevamo izmjene Pravilnika o listi profesionalnih bolesti i Pravilnika o refundiranju plaće za radnike poslane u samoizolaciju.

S obzirom da je Vlada FBiH, proglašenjem stanja nesreće (s punim pravom) uvela praktično zaposlene u zdravstvu "u radnu obavezu", ma kako to izgledalo, s pravom tražimo da se izmijeni Pravilnik o listi profesionalnih bolesti i da se COVID 19 uvrsti u listu profesionalnih oboljenja u stavu 3. koji govori o bolestima uzrokovanim biološkim faktorima uz obrazloženje da su to Poslovi na kojima se bolest pojavljuje i da se donesu uslovi za utvrđivanje bolesti kao profesionalne.



**NEZAVISNI STRUKOVNI SINDIKAT RADNIKA
ZAPOSLENIH U ZDRAVSTVU U FBiH**



U isto vrijeme tražimo da se izmijeni Pravilnik koji govori o refundiranju "najmanje 80%" plate za zaposlene koji budu od strane poslodavca poslani u samoizolaciju (na teret ZZO) i da se za radnike zaposlene u zdravstvu napravi izuzetak, ukoliko su u samoizolaciju poslani jer su u kontakt sa osobama zaraženim SARS CoV2, došli obavljajući svoje radne zadatke tako što će biti refundirana plata u 100% iznosu.

S poštovanjem,



Predsjednik:
Zijad Latifović

Dostavljeno:

-naslovu

-a/a



**NEZAVISNI STRUKOVNI SINDIKAT RADNIKA
ZAPOSLENIH U ZDRAVSTVU U FBiH**



Broj:110/20

Datum:30.03.2020.godine

URGENT!

Federalni štab civilne zaštite

N/r Komandanta Ministrice gđa Jelka Miličević

Predmet: Zahtjevi za donošenje naredbi u vezi sa organizacijom rada u Javnim zdravstvenim ustanovama u Federaciji BiH

Sindikata zdravstva FBiH je obavio konsultacije sa sindikatom zdravstva KCUS, Sindikatom zdravstva SKB Mostar, Sindikatom zdravstva UKC Tuzla, Sindikatima zdravstva drugih bolnica u FBiH kao i Sindikatima zdravstva ostalih javnih zdravstvenih ustanova u FBiH koji u ovom trenutku broji više od **20.500** članova svih profila zaposlenih u javnom sektoru. Nakon obavljenih konsultacija došli smo do zajedničkog zaključka da se od Federalnog štaba civilne zaštite zatraži donošenje naredbi koje bi poboljšale stanje u svim zdravstvenim ustanovama i omogućile bolju zaštitu zdravlja građana i svih zaposlenih u zdravstvu. U skladu s tim, zahtjevamo od kriznog štaba civilne zaštite FBiH da donese sljedeće naredbe:

1. Molimo Vas da donesete naredbu da se popune kapaciteti u ljudskim resursima Javnih zdravstvenih ustanova u nadležnosti Federacije BiH, kroz prijem 600 ljekara, medicinskih sestara, higijeničarki (spremačica) i ostalog nedostajućeg kadra, na period od 120 dana, čije bi plaće bile finansirane iz sredstava Federalnog zavoda za zapošljavanje iz programa sufinansiranja zapošljavanja.

Obrazloženje:

U ovom trenutku je došlo do proboja virusa COVID 19 u zdravstveni sistem u Tuzlanskom kantonu (u konkretnom slučaju se radi o privatnoj zdravstvenoj ustanovi koja je u uskoj vezi sa UKC-om Tuzla), kroz familijarne odnose. Nekoliko zaposlenika UKC Tuzla ima supružnike koji rade u toj ustanovi, što predstavlja ekstremnu opasnost po Klinički centar, ukoliko se utvrdi da su pozitivni na COVID 19. Samo odlazak u preventivnu samoizolaciju, značajno bi umanjio kapacitete ljudskih resursa u najvećoj Javnoj zdravstvenoj ustanovi u TK-u, koja



NEZAVISNI STRUKOVNI SINDIKAT RADNIKA ZAPOSLENIH U ZDRAVSTVU U FBiH



jedina može pružati zdravstvene usluge pacijentima po svim medicinskim kazusima. U ovom trenutku došlo je do proboja virusa COVID 19 i u zdravstveni sistem Zeničko-dobojskog kantona. Prijem zaposlenika na određeno vrijeme(120 dana),bi omogućio da se izvrši edukacija takvog osoblja, da mogu zamijeniti kadrove koji bi bili izbačeni iz stroja i da se može pristupiti edukaciji postojećeg osoblja za rad u intenzivnim njegama,u izolatorijima a novoprimiteljni kadrovi bi došli na njihova mjesta i nastavili raditi neophodne redovne medicinske procedure.Najvažnija stvar u ovom trenutku je hitno djelovanje, jer svako oklijevanje u ovom slučaju može izazvati nesagledive posljedice ,ukoliko dođe do eskaliranja pandemije.Procjena sindikata zdravstva je da bi u slučaju eskaliranja pandemije, veliki broj zaposlenika bio na bolovanju,po nekim procjenama i više od 25% postojećeg kadra. Zbog toga smatramo da se ova mjera mora preduzeti i to u hitnom postupku ,da ne bismo doživjeli Italijanski scenario,u kojem se ne može naći nijedan zdravstveni radnik, koji bi prihvatio da radi u Bolnicama koje pružaju pomoć najtežim bolesnicima i u kojim su i sami zdravstveni radnici postali pacijenti.

2. Molimo Vas da donesete naredbu da se popune kapaciteti u ljudskim resursima Javnih zdravstvenih ustanova primarnog nivoa i bolnica čiji su osnivači Kantoni-Županije,ljekara,medicinskih sestara-tehničara,higijeničarki(spremačica),čije bi plaće bile finansirane iz sredstava Kantonalnih-Županijskih zavoda za zapošljavanje, sredstvima namijenjenim za sufinansiranje zapošljavanja.

Objasnenje:

Eskalacija pandemije bi i ove ustanove dovela u sličnu situaciju kao i u prethodnom obrazloženju.

3. Molimo Vas da donesete naredbu da se preraspodijeli radno vrijeme u Javnim zdravstvenim ustanovama čiji je osnivač Federacija BiH i u drugim bolnicama, tako da bi posao bio organizovan, tamo gdje je to moguće, na način da se radi 24/72.

Objasnenje:

Naredba koju je donio Krizni štab Fedracije, da se naređuje Kantonalnim-Županijskim kriznim štabovima, da izvrše preraspodjelu radnog vremena u Javnim zdravstvenim ustanovama,nažalost nije ispoštovana. Ona je preinačena tako da je ostavljeno na slobodnu volju poslodavcima, da prema svom nahođenju odrede radno vrijeme svojih ustanova.Na terenu imamo rašomonijadu i nedovoljno efikasno pružanje zdravstvene zaštite građanima.



NEZAVISNI STRUKOVNI SINDIKAT RADNIKA ZAPOSLENIH U ZDRAVSTVU U FBiH



a) Uvođenjem radnog vremena 24/72 štitimo tri četvrtine zdravstvenog osoblja od mogućnosti kontaminacije ili odlaska u samoizolaciju i izbacivanja iz stroja na duži period. U isto vrijeme smanjujemo broj kontakata između zdravstvenog osoblja, jer se smjenjuju samo jednom dnevno.

b) Potrošnja prijeko potrebne zaštitne opreme se smanjuje na pola, jer možemo koristiti zaštitna sredstva duži period, (u ovom slučaju 24 sata), za razliku od sadašnjeg korištenja u kraćem vremenskom periodu 8 ili 12 sati. Ovakvim rasporedom bi napravili značajne uštede u potrošnji zaštitne opreme (maski, rukavica, ogrtača i sl).

c) Ukidanje javnog prevoza, znatno otežava dolazak i odlazak s posla zaposlenih u zdravstvu i ovakav način rada bi značajno olakšao isto. Smanjili bismo i kretanje zdravstvenog osoblja izvan zdravstvenih ustanova, i na taj način smanjili mogućnost unošenja virusa spolja u zdravstveni sistem.

d) Zdravstvenom osoblju koje radi pod otežanim uslovima rada (izolatoriji, intenzivne njege, infektivne klinike, dijagnostički centri i sl) bi bili u mogućnosti omogućiti duži odmor, jer bi mogli skratiti radno vrijeme posebnom naredbom i tako omogućiti odmor od 96 sati i na taj način ih zaštititi. Ovim bi smanjili mogućnost njihove kontaminacije i izbacivanja iz radnog procesa na duži period.

Naravno, preraspodjela radnog vremena na ovakav način bi zavisila od razvoja situacije sa pandemijom i u slučaju eskalacije pandemije bi se razmislile i druge mogućnosti i drugačija preraspodjela radnog vremena svih Javnih zdravstvenih ustanova.

4. Molimo Vas da razmislite o donošenju odluke-naredbe, kojom bi se na najbolji način regulisao dopunski rad izvan punog radnog vremena zdravstvenih radnika zaposlenih u javnim zdravstvenim ustanovama, a naročito za rad u privatnim zdravstvenim ustanovama i način rada privatnih zdravstvenih ustanova.

Obrazloženje:

Primjer upada virusa u zdravstveni sistem iz Tuzlanskog kantona iz privatne zdravstvene ustanove je dovoljno poučan da bi ga dalje obrazlagali.



NEZAVISNI STRUKOVNI SINDIKAT RADNIKA ZAPOSLENIH U ZDRAVSTVU U FBiH



5. Molimo Vas da donesete Naredbu kojom se mijenja uredba o prijemu u radni odnos i da se mijenja član 5. iste uredbe i to: U Uredbi o postupku prijema u radni odnos u javnom sektoru u Federaciji Bosne i Hercegovine ("Službene novine Feracije Bosne i Hercegovine", broj 13/19) u čl 5. tačka a) riječi: "za radno mjesto koje podrazumijeva iste uvjete u pogledu stručne spreme i radnog iskustva, ukoliko radnik ispunjava navedene uvjete, osim izmjene u pogledu trajanja ugovora o radu" se brišu

U istom članu, iza tačke c) dodaje se nova tačka d) koja glasi: "d) prijema u radni odnos u javnim zdravstvenim ustanovama po osnovu konkursa za izbor kandidata za specijalizacije, u skladu sa posebnim propisima."

Obrazloženje:

U ovom trenutku preraspodjela unutar ustanova u zdravstvenom sektoru mora biti omogućena bez ikakvog uslovljavanja, jer možemo doći u situaciju da nam veliki broj ljudi, bude zbog pandemije izbačen iz stroja. U tom slučaju moramo imenovati sposobne i stručne ljude, da rukovode i da u ovom trenutku nemamo prava da nam forma bude ispred suštine i zdravlja građana i zdravstvenih radnika.

Svi ovi prijedlozi bi se trebali hitno provesti u interesu građana a i zdravstvenih radnika, jer svaki dan kašnjenja nas može skupo koštati i prevesti nas u Italijanski ili Španski scenario pandemije COVIDA 19.

S poštovanjem,

Dostavljeno:

-naslovu

-a/a



Predsjednik:

Zijad Latifović